

MINISTARSTVO UNUTRAŠNJIH POSLOVA KANTONA SARAJEVO –
UPRAVA POLICIJE, La Benevolencija 16, koju zastupa policijski komesar,
Generalni inspektor policije Fatmir Hajdarević, (u daljem tekstu Ugovorni organ)

i

Association Euro Connecta, Ul. Pijačna 60C, 71210 Ilidža, ID broj: 4202609630007
koju zastupa, prof. dr. Zenaid Đelmo - predsjednik udruženja, (u daljem tekstu:
Davao usluga),

zaključili su:

UGOVOR O NABAVCI USLUGA STRUČNOG USAVRŠAVANJA POLICIJSKIH SLUŽBENIKA

Član 1.

Predmet ovog ugovora je pružanje usluga stručnog usavršavanja policijskih službenika Uprave policije Ministarstva unutrašnjih poslova Kantona Sarajevo na temu „Provođenje zaštitnih mjera u slučajevima nasilja u porodici“.

Član 2.

Pružanje usluga stručnog usavršavanja policijskih službenika se vrši na osnovu provedenog postupka dodjele ugovora za usluge iz Aneksa II Zakona o javnim nabavkama, a u skladu sa odredbama Pravilnika o postupku dodjele ugovora o uslugama iz Aneksa II Zakona o javnim nabavkama ("Službeni glasnik BiH", broj 2/23), a na osnovu Odluke broj 02-11-4-1905/26 od 23.03.2026. godine.

Sastavni dio ovog ugovora je ponuda Davaoca usluga od 14.05.2026. godine.

Član 3.

Ukupna ugovorena vrijednost za predmetne usluge bez PDV-a iznosi 17.000,00 (sedamnaest hiljada i 00/100) KM.

Cijene su fiksne i ne mogu se mijenjati za vrijeme važenja ovog ugovora.

Član 4.

Usluge stručnog usavršavanja iz člana 1. i 2. ovog ugovora će se izvoditi u prostorijama Hotela Hollywood dr. Mustafe Pintola 23, 71210 Ilidža. u ukupnom trajanju od 2 (dva) radna dana.

Stručno usavršavanje će se održati 21.05. i 22.05.2026. godine.

Obuku će pohađati ukupno 100 (stotinu) policijskih službenika.

Član 5.

Usluge stručnog usavršavanja policijskih službenika iz člana 1. i 2. ovog ugovora će se izvoditi od strane Association Euro Connecta, Ilidža, koja je ovlaštena u periodu od 21.05. - 22.05.2026. godine, koje se sastoje iz tri bloka:

1. Normativni okvir i vrste zaštitnih mjera

2. Institucionalni odgovor na nasilje u porodici i uloga policije u provođenju zaštitnih mjera
3. Zaštita žrtava i unapređenje institucionalnog odgovora

Član 6.

Ugovorni organ se obavezuje da će Davaocu usluga prethodno, a prije dana početka održavanja, dostaviti spisak policijskih službenika koji će poštovati predmetno stručno usavršavanje.

Između ugovornih strana će se utvrditi koordinatori na organizaciji vršenja predmetnih usluga u roku od 3 (tri) dana od dana obostranog potpisivanja Ugovora.

Član 7.

Davalac usluga se obavezuje da će usluge stručnog usavršavanja policijskih službenika izvršiti blagovremeno, u svemu u skladu sa ponudom, koja je sastavni dio ugovora i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršenih usluga.

Ukoliko se konstatuju određeni nedostaci u kvalitetu ili kvantitetu izvršenih usluga sačinjit će se zapisnik o reklamaciji.

Davalac usluga se obavezuje priznati reklamaciju na kvantitet i kvalitet izvršenih usluga, koja će biti proračunata zapisnikom o reklamaciji, uz obavezno navođenje nedostataka izvršene usluge.

Način i rok otklanjanja grešaka bit će utvrđen zapisnikom o reklamaciji.

Član 8.

Učesnicima će se po završetku stručnog usavršavanja policijskih službenika dodijeliti certifikat o učešću na savjetovanju.

Član 9.

Nakon izvršene usluge koja je predmet ovog ugovora vrši se kvalitativno – kvantitativna primopredaja usluga, uz sačinjavanje zapisnika o kvalitativnom i kvantitativnom prijemu. Zapisnik se izrađuje u 2 (dva) istovjetna primjerka, koji će sadržavati: datum, vrijeme i mjesto početka osposobljavanja, ime i prezime policijskih službenika koji su pristupili osposobljavanju, ime i prezime policijskih službenika koji su uspješno završili osposobljavanje i druge potrebne podatke.

Zapisnik o kvalitativnom i kvantitativnom prijemu potpisuju koordinatori ugovornih strana.

Član 10.

Ugovorni organ se obavezuje da će platiti račun/fakturu za uredno izvršene usluge iz člana 1. i člana 2. ovog ugovora, uz dostavljeni zapisnik o kvalitativnom i kvantitativnom prijemu izvršenih predmetnih usluga Davaocu usluga u roku od 30 (trideset) dana od dana prijema, na tekući račun Davaoca usluga.

Član 11.

Ukoliko Ugovorni organ ocijeni da Davalac usluga nije u stanju kontinuirano i kvalitetno izvršavati preuzete obaveze, odnosno ukoliko ponudene usluge nisu u skladu sa datom

ponudom iz člana 2. ovog ugovora, Ugovorni organ može jednostrano, bez saglasnosti Davaoca usluga, raskinuti ovaj ugovor.

Ugovorni organ zadržava pravo raskida ugovora ukoliko usluga u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Davaoca usluga.

Član 12.

Na ostala prava i obaveze ugovornih strana, koja nisu regulisana ovim ugovorom, primjenjivat će se odredbe Zakona o obligacionim odnosima.

Član 13.

Sve eventualne nejasnoće nastale po ovom ugovoru, ugovorne strane će rješavati sporazumno. Ukoliko to nije moguće, za sve eventualne sporove nastale po ovom ugovoru nadležan je sud u Sarajevu.

Član 14.

Ugovorne strane su saglasne da se ovaj ugovor zaključi na određeno vrijeme. Ovaj ugovor je zaključen, kada isti potpišu obje ugovorne strane, a počinje važiti od datuma početka održavanja stručnog usavršavanja policijskih službenika i važi do završetka stručnog usavršavanja i izdavanja certifikata o uspješno završenoj obuci, te izmirenja dužničko-povjerilačkih obaveza.

Član 15.

Ovaj ugovor je sačinjen u četiri (4) istovjetna primjerka, od kojih svaka ugovorna strana zadržava po dva (2) primjerka.

<p>DAVALAC USLUGA Association Euro Connecta Sarajevo</p>  <p>Prof. dr. Zenaid Delmo predsjednik udruženja</p> 	<p>UGOVORNI ORGAN MUP KANTONA SARAJEVO UPRAVA POLICIJE</p>  <p>POLICIJSKI KOMESAR Generalni inspektor policije Fatmir Hajdarević</p> 
--	---

Broj: 11/26
Datum: 15.05.2026

Broj: 02-11-4-1905-3/26
Datum: 15.05.2026. godine